

բնութեամբ ի Պալատէն վայր իջուցեալ: Երրորդ աւիզն. ասոմ օղի ասայտ փաշան ի հալէպ նստեալ հասարակ քաղաքացւոց մեծ բարութիւնս արարեալ. և յուով սովորական զրկողութեան տուգանսն բարձեալ և հացին լիտրն 6 ստակ արարեալ. և պարտքն որ կայր ի վերայ քրիստոնէից սիրով ի վերայ թարճամաներուն եղեալ. և արժանի գովութեան այլ իրս գործեալ: Իսկ ի Հոսմ քաղաքի այսմիկ ամսոյ զանազան անձինք անկարծակի մահուամբ մեռեալք ի մէջ որոց կարտինալ միլօն:...

Յամի Տեան 1757 Նոյեմբերի 26.ին  
ի Հոսմ ի սրբուհի մարիամ եգիպտացի

Նուաստ ծառայ  
Յօվսէփ եպիսկոպոս [Եղեւիայ  
Ստեփանեան]

ՍԸ.

Թէ որքան մեծ է շահեկանութիւնը հետեւեալ վաւերագրութիւն՝ ընթերցողն ինքնին պիտի ըմբռնէ: Գլխաւոր նիւթն է Երուսաղեմի Սուրբ Յարութեան Տաճարի ժամանակակից անցքերը՝ որոնք Չամչեանի Պատմութեան մէջ չեն յիշուած, թերևս աւելի հետազայ ժամանակի պատկանելուն համար, որովհետև նամակա անթուական էր ու կը գտնուէր մեր դիւանի 1757-ի թղթերուն մէջ, թերևս նոյն իսկ անդրադարձնելու՝ թէ սոյն տարւոյն վերաբերեալ գիր մ'է:

Յոյժ պատկան և անկ համարիմ աստէն ընդ քարտիզիս այսմիկ իմում ճառել զանցսն՝ որք անցին յերուսաղէմ յաւուրս իմ: Զի ըստ սովորութեան իւրաքանչուր ամի գայ հասանի ի սուրբ երկիրն կոմս դամասկոսի, այսինքն փաշայն, և պահանջէ զտարեկան տուրսն յերից ազգաց: Ի հայոց առնու ոսկի 3000, ի յունաց 4000 և ի լատինացւոց 5000: Յետ այսորիկ պազիրկեան պաշի փաշային՝ որ էր ի հրէից անտի՝ անկեալ ի մահիճս խօթութեամբ մեծաւ շերմախտանայ: Եւ պատրիարզն յունաց և լատինացւոց ուղարկեն զթարգմանս իւրեանց հանդերձ պարզեօք հարցանել զորպիսութենէն: Իսկ հայք ոչ: Եւ ոչ յետ բազում աւուրց կինն այնմիկ հրէի խնդրէ շնորհս յառաջնորդէն հայոց, կարել մտանել ի պարտէզ ինչ առնել աղօթս ըստ սովորութեան իւրում: Զայս պարտէզ գնեալ էր գրիգոր վարդապետն. և չէր պարտէզ, այլ բնակութիւն, յորում գտանիւր ժողովարան հրէից: Եւ յետ գնելոյ գայն՝ քայքայեալ ի պարտէզ դարձոյց: Եւ իբրև չընկալաւ զխնդիրն՝ խրոխտացեալ գնայ վաղվաղ. և պատմէ առն իւրում: Իսկ այրն քինախնդիր և նենգոտ մատուցեալ առ փաշայն իւր՝ խօսի ընդ նմա և ասէ. եթէ ունիմ շնորհս առաջի քոյ տէր իմ, լնր ինձ. և նա ասէ, ցի՛նչ: Ատէ հրէայն. կամի՛ս շահել զգրամ բազում յոյժ. կոչեա զպատրիարզունս յունաց և հայոց, և ասա՛ ցնոսա. թէ կամիմ ի վաղիւն յետ երեկոյեան ժամու գալ, և գերեզմանաւն յիսուսի նստիլ: Ի համառօտի ասացից. կոչէ փաշայն զպատրիարզունս՝ և խրոխտի խօսի ընդ նոսա: Նորա զարհուրեալ ասեն. տէ՛ր իմ, չէ՛ այդ բնաւ լեալ յազգի մերում, և ոչ յազգի ձերում, զի տեղին այն աղբանոց կոչի. և դու զիմի՛ր կարիցես գալ, և զաղօթս քո մատուցանել: Տայ պատասխանի փաշայն. լուայ քաջ, թէ լոյս ելանէ ի գերեզմանէ յիսուսի. ես եկից և առ դրան եղից զաթոռ իմ, և վայելեցից զգոյզն ինչ ի լուսոյ յիսուսի: Եւ սոքին յուզեալք, չգիտելով տալ պատասխանի, պատճառէին ասելով, թէ ոչ անկ լինի տէրութեան քում առնթեր լինիլ անդէն, զի մեք զհրոյ տօն կատարեմք. և այլ ինչ չունիմք: Եւ փաշայն առ ի շինել զկամս նոցա և չգնալ ի գերեզման խնդրէ քսակ 1000: Եւ զի՛նչ երկարեցից՝ յետ անթիւ արտասուաց և լացից, հազիւ կարեն հաճել զփաշայն 100 քսակաւ: Սոյն սա այսպէս անցանէ: Եւ յետ այնորիկ ազգ առնէ փաշայն պատրիարգաց զի պատրաստեսցեն տեղի ի յեկեղեցւոյ սուրբ աստուածածնա Գերեզմանին. զի գնացեալ վճարեսցէ անդէն: Իսկ նոքա զառաջինն շփոթութեամբ յուզեալք՝ գայլ և գայլ իրս պատճառէին. և հազիւ դադարեցուցին զնա՝ տալով այլևս 50 քսակ: Իսկ պատճառսն թշնամութեան լատինացւոց ընդ յունաց իսկաւ